



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLXIII. Confirmatio Concordiæ inter Archiepiscoporum, & Archimandritam
Messanæ initæ super diversis punctis Jurisdictionalibus.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

Confirmatio Concordiæ inter Archiepiscopum, & Archimandritam Messanæ initæ super diversis punctis Jurisdictionalibus.

CLEMENS EPISCOPUS

Servus Servorum Dei, Ad perpetuam rei memoriam.

IN Apostolicæ Dignitatis Solio Divina disponente clementia meritis licet imparibus constituti, & per immaculata vestigia ejus, qui supra Petram ædificavit Ecclesiam incedere satagentes, pacemque inter Christianos quoslibet inducere, inducendamque confovere vigilantia sollicitudine meditantibus ad ea libenter intendimus, per quæ litibus, & controversiis inter eosdem Christianos præsertim Pontificali Dignitate præditos occurritur, nec non ea, quæ communi Concordiæ terminata sunt, ne in recidivæ contentiōnis scopulum relabantur, approbamus, illisque inviolabilis Apostolicæ firmitatis robur adjicimus, prout conspiciamus in Domino salubriter expedire.

§. 1. Sane pro parte Venerabilium Fratrum nostrorum Thomæ de Vidal, & de Nin moderni Archiepiscopi Messanen., & Silvii Valenti Gonzaga moderni Archiepiscopi Niceni, ac nostri, & Sedis Apostolicæ Nuncii Bruxellis commorantis, modernique Commendatarii Archimandritæ nuncupati Monasterii Archimandritatus nuncupati S. Salvatoris de Lingua Phari nuncupati Messanen. Ordinis S. Basilii, nobis nuper exhibita petitio continebat, quod alias vertentibus variis litibus, & controversiis tam forsan in partibus, quam in Romana Curia coram certis partium illarum, & Curie hujusmodi Judicibus competentibus inter bo. mem. Josephum Migliaccio dum viveret Archiepiscopum Messanen. ex una, & dictum Silvium Archiepiscopum, & Commendatarium, qui ratione dicti Monasterii particulare, & separatim Territorium habere, ac Jurisdictionem quasi Episcopalem in sibi subiectis locis exercere, ac Synodum convocare, & in ea Examinatores deputare prætendebat ex altera partibus super exercitio Jurisdictionis quasi Episcopalis præfata per pro tempore existentem dicti Monasterii Commendatarium exercendam eodem Silvio Archiepiscopo, & Commendatario; quod ipse tamquam vere Ordinarius cum sua propria Diocesi distincta, & separata, ac independente cum Jurisdictione spirituali, & temporalis, ut quilibet Ordinarius in sua propria Diocesi habet, & vere esse Nullius a præfato Josepho Archiepiscopo recognosci, quodque Censuræ in fundatione dicti Monasterii favore pro tempore existentium Archiepiscoporum Messanen. constitutus pro omni Jure Episcopi pro tempore existentibus Archiepiscopis Messanen. juxta quamdam Concordiam inter bo. me. Ugonem dum etiam viveret Archiepiscopum Messanen., & tunc existentem Sicilia Regem initam solvi respectu debet, quodque confugientes ad Ecclesias præfatum Monasterio subiectas propria auctoritate extrahere, & in Carceribus ad nomen Ecclesiæ detineri facere, nec non literas Dimissoriales suis Subditis concedere, & concursus ad Beneficia Curata tenere, & instituere respective valeat, quodque dispensationes, & literæ Apostolicæ ei dirigi possint: Josepho Archiepiscopo vero præfato, e contra quod præfatus Silvius Archiepiscopus, & Commendatarius minime sit Ordinarius cum separata Diocesi, & distincto Territorio, & vere Nullius, quodque Censuræ præfatus vigore fundationis præfati Monasterii, & Regionum Diplomatum a præfato Silvio Archiepiscopo, & Commendatario debeatur, ac

Procemium.

Causæ licium vertentium inter partes.

Datum Romæ apud S. Mariam Majorem sub annulo Piscatoris die 27. Februarii 1736. Pont. nostri Anno VI.

recognitio Immunitatis Ecclesiastica, illiusque declaratio pro Confugientibus ad Ecclesias eadem Monasterio, ut præfertur, subiectas, eorumque extractio ad pro tempore existentem dicti Monasterii Commendatarium spectare non possit, sed hoc privative ad pro tempore existentem Archiepiscopum Messanen., tamquam Delegatum Apostolicum spectet, & pertineat, quodque idem Silvius Archiepiscopus, & Commendatarius literas Dimissoriales suis Subditis concedere, atque concursus ad Beneficia Curata absque expressa Sedis Apostolicæ concessione tenere, & instituire respectu non valeat, necnon dispensationes, & literæ Apostolicæ eidem Josepho, & pro tempore existenti Archiepiscopo Messanen. tantum privative quoad omnes dirigi debeant respectu prætendentibus, rebusque aliis in actis causarum, & controversiarum huiusmodi latius deductis, & earum occasione in prima, seu secunda, aut alia veriori instantia pendentibus indecisus.

Concordiam
inire parant.

§. 2. Josephus Archiepiscopus, & Silvius pariter Archiepiscopus, & Commendatarius præfati ferio inter se meditantur quam sit absolutum ab Ecclesiastica disciplina, & Prælatorum dignitate lites fovere, eas præcipue, quæ simplicem Jurisdictionem respiciunt, a quibus innumera detrimenta, & scandala, quæ Prælatorum charitati, & subditarum Animarum regimini sunt quam maxime infensa, prodire solent, ad dirimendas lites, & controversias huiusmodi, earumque dubios eventus evitandum, innumerisque sumptibus parcendum, pacemque, & benevolentiam inter se conciliandam de communi Jurisperitorum consilio, & quoad Josephum Archiepiscopum præfatum de tunc existentium Capituli, & Canonicorum Ecclesiæ Messanen. consensu ad infra scriptam sub nostro, & Sedis Apostolicæ beneplacito deveniunt inter se bonæ fidei Concordiam, seu Transactionem, videlicet.

Concordata
Commenda-
tarius Messa-
nen. jurisdi-
ctionem ha-
bet Civilem,
contentio-
sam, & cri-
minalem in
omnibus ra-
tione Mona-
sterii sibi sub-
iectis.

§. 3. Primo, quod dictus Josephus Archiepiscopus, ejusque Successores recognoscere debeant dictum Silvium Archiepiscopum, & Commendatarium, ejusque in dicto Monasterio Successores habere omnimodam Jurisdictionem civilem, & contentiosam, atque criminalem in omnibus ei ratione dicti Monasterii subiectis locis, necnon etiam in Civitate Messanen. super ejus Subditos, juxta tenorem Bullarum Apostolicarum, ac Sententiarum desuper emanatarum, ad quas Sententias pro eo, quod respicit hunc tantummodo articulum ordinarietatis dicti Silvii Archiepiscopi, & Commendatarii nulla habita consideratione reliquorum articulorum in præfatis Sententiis contentorum, quibus per præsentem Concordiam, seu Transactionem in nullo præjudicatum esse censeatur, relatio & respectus habeatur.

Debet tamen
16. uncias
&c. Archiep.
solvere jure
Census,

Secundo, quod præfatus Silvius Archiepiscopus, & Commendatarius, ejusque in dicto Monasterio Successores præfati dicto Josepho Archiepiscopo, ejusque Successoribus sexdecim uncias, & caroleños octo monetæ currentis Regni Siciliae jure Census debiti juxta tenorem foundationis dicti Monasterii, Regionumque Diplomatum annuatim persolvere obligatus existat.

Potest suis
Subditis Di-
missoriales
dare forma
hic expressa.

Tertio, quod idem Silvius Archiepiscopus, & Commendatarius, ejusque in dicto Monasterio Successores præfati literas Dimissoriales ad ordines suscipiendos suis Subditis concedere possint, ita tamen ut toties, quoties illos dimittere habeant, teneantur ex pacto vigore præsentis Concordiæ, seu Transactionis dimittere, Dimissorialesque huiusmodi literas pro tempore existenti Archiepiscopo Messanen. privative dirigere: in casu vero impeditenti ejusdem Archiepiscopi, vel vacationis Sedis Archiepiscopalis Messanen., vel Ordinandorum longe absentia, pro qua longa absentia intelligi debeat, si Ordinandi degant extra Diocesim Messanen., literæ Dimissoriales

huiusmodi dirigi valeant ad quemcumque Episcopum Archiepiscopo Silvio, & pro tempore existenti dicti Monasterii Commendatario benevolunt, ita tamen, quod huiusmodi literæ præsentari debeant in Curia Archiepiscopali Messanen. & ab ipsius Cancellario subscribi, & apponi; Ita est sic ex pacto, & accedente Sanctæ Sedis consensu, & quod idem servandum sit in omnibus prædictis casibus, & de Apostolicis Brevibus super dispensatione ætatis, vel temporum interstitiis.

Quarto, quod Archiepiscopus, & Commendatarius, ejusque Successores præfati quoscumque concursus ad Parochiales Ecclesias, ceteraque Beneficia Curata indicare, & instituire possint, & valeant, quibus concursibus, & institutionibus Josephus Archiepiscopus, ejusque Successores præfati se opponere minime valeant.

Quinto, quod si literæ Apostolicæ, & dispensationes matrimoniales pro Subditis Archiepiscopi, & Commendatarii eidem Archiepiscopo, & pro tempore existenti dicti Monasterii Commendatario directæ fuerint, tunc ab eo exequi debeant, & nullum a Josepho Archiepiscopo, ejusque Successoribus præfatis impedimentum, vel obstaculum fieri possit: & e contra si ex aliqua speciali causa pro tempore existenti Archiepiscopo Messanen. ab eadem Sede directæ fuerint, tunc ab eodem Archiepiscopo Messanen. etiam exequi debeant, & nulla per pro tempore existentem Monasterii præfati Commendatarium fieri possit oppositio.

Sexto quoad recognitionem, & declarationem Immunitatis pro confugientibus ad Ecclesias eadem Monasterio subiectas, quod Josephus, & pro tempore existentes Archiepiscopi Messanen. judicare debeant, an confugati in Ecclesiis huiusmodi Immunitate huiusmodi gaudeant, vel non, & sint extrahendi, vel restituendi Ecclesiis dicto Monasterio; ut præfertur, subiectis, Silvius Archiepiscopus vero, & pro tempore existentes dicti Monasterii Commendatarii confugatos huiusmodi a propriis Ecclesiis extrahere, & in suis Carceribus ad dispositionem pro tempore existentis Archiepiscopi Messanen. custodire, eumque mediante Epistola certiorum facere infra terminum quatuor dierum de extractione, & detentione confugati huiusmodi.

Septimo quod præservata intelligantur hinc inde omnia Jura respectu ceterarum rerum in præfata Concordia, seu Transactione non comprehensarum.

Octavo, & demum, ut pro majori præmissorum validitate, & firmitate Liti huiusmodi, omnibusque, & quibuscumque supplicationibus, aliisque Actis usque modo hinc inde gestis, & unicuique causæ, & liti pendentiæ super supra scriptis articulis tantum; & dumtaxat respectu cedere, & renunciare, seque præfata Concordiæ, seu Transactioni non contradicere, nec adversus eam quidquam opponere, sed ei stare, & acquiescere, & ab ea nunquam reclamare velle, promittere respectu debeant, & teneantur, & alias, prout in Instrumento publico, seu Scripturis publicis desuper confecto, seu confectis tenoris sequentis, videlicet:

Jesus, Maria, Joseph. Die vigesimo tertio Augusti, septima Indictionis, millesimo septingentesimo vigesimo nono, præfens coram Nobis &c. Magnificus Placidus Arno Procurator Fiscalis Magnæ Curie Archiepiscopali Sede vacante hujus Nobilis, Fidelissimæ, & Exemplaris Urbis Messanæ M. N. C. &c. dicto nomine tam pro sua indemnitate, quam aliorum, quorum interest, sponte &c. vigore præsentis, exhibuit, ac nobis præsentavit, prout exhibet, & præsentat infra scriptum Originale Albeorum scriptum manu aliena, & subscriptum manibus propriis quondam Illustrissimi, & Reverendissimi Don Joseph Migliaccio

Concursus ad
Parochias &
Beneficia Cu-
rata indicare.

Dispensatio-
nes Matrimo-
niales is de-
bet exequi,
cui dirigitur.

De extrahen-
dis ab Eccle-
sia.

Præservatio
jurium quoad
reliqua.

Utraque pars
huic acquie-
scit Concor-
diæ.

Instrumen-
tum super
hoc confectum.

Archie-

Archiepiscopi olim hujus Urbis, & Illustrissimi, & Reverendissimi Don Silvii Valenti Gonzaga Archimandrita hujus prædictæ Urbis, necnon Reverendorum Abbatis Don Bartholomæi Dominici Voci, & D. Joseph Cæli Testium præsentium, in quo adest inserta infra scripta minuta scripta manu aliena, & firmata in margine calcis manu propria Illustrissimi, & Reverendissimi Fratris Joseph Maria Perimezzi Episcopi Oppidenfis, in qua adfunt nonnulla verba, nempe unum lineatum, & superadditum, & alia acconciata, quorum tenor est, ut infra sequitur, videlicet: -- Jesus, Maria, Joseph. Cum pro expellendis differentiis emerfis inter Illustrissimum, & Reverendissimum Dominum D. Joseph Migliaccio Archiepiscopum Messanen., ac Illustrissimum, & Reverendissimum Dominum Don Silvium Valenti Gonzaga Archimandritam pariter Messanen. circa quosdam Articulos infra expressandos, fuerit ab eisdem Illustrissimis, ac Reverendissimis Dominis Archiepiscopo, & Archimandrita Messanensibus pro pace, mutuaque benevolentia inter eos in perpetuo conservanda, omnibusque scandalis compescendis remissa forma Concordiæ Admodum Reverendo Abbati utriusque Juris Doctori D. Joseph Buglio ex parte dicti Illustrissimi, ac Reverendissimi Domini Archiepiscopi Messanensis, & ex parte Illustrissimi, & Reverendissimi Domini Archimandritæ itidem Messanen. utriusque Juris Doctori D. Andrea Mondiola, & pro utraque parte utriusque Juris Doctori Don Francisco Campagna, & ultimo tandem Illustrissimo, & Reverendissimo Domino Fratri D. Joseph Maria Perimezzi Episcopo Oppidenfi in utraque Censura præclarissimo Consulto hic Messanæ quædam ejus opera Typis excudendi causa degenti, & ab eo auditis pluries Juribus utriusque Partis, ac serio eis perpensis, visisque videndis, consideratis considerandis, Concordiæ, Transactionis, & Compositionis, ac Conventionis Exemplum expressum fuerit, eoque bene, & attente, ac mature perlecto, & considerato a memoratis Illustrissimis, & Reverendissimis Dominis Archiepiscopo, & Archimandrita Messanensibus fuerit eventum ad hujusmodi Concordiæ, Transactionis, & Conventionis conficiendum Instrumentum, adhibito ad hoc pro parte dicti Illustrissimi, ac Reverendissimi Domini Archiepiscopi Messanen. Consensu Admodum Reverendissimorum Dominorum Dignitatum, ac Canonicorum hujus Sanctæ Proto-Metropolitane Messanensis Ecclesiæ majorem partem, & totum corpus Reverendissimi Capituli ejusdem Proto-Metropolitane Messanensis Ecclesiæ representantium, cujus quidem Instrumentum forma abique publica, & solemnī stipulatione, nisi obrento prius Beneplacito Apostolico a Sancta Sede, & a Sacra Congregatione Eminentissimorum, & Reverendissimorum S. R. E. Cardinalium ad quam spectat sub sequenti tenore, ac pleniori serie perlegitur, videlicet: Jesus &c. Cunctis pateat ubique, & evidenter sit notum, quod in nostra Notarii, Testiumque infra scriptorum præsentia personaliter constitutis Illustrissimo, & Reverendissimo Domino D. Joseph Migliaccio Dei, & Sanctæ Sedis Apostolicæ gratia Episcopo Messanen. Comite Regalbruti, Domino Alcarie Barone Boli, Regione Consiliario &c., cum consensu tamen infra scriptorum Admodum Reverendorum Dignitatum, & Canonicorum hujus Sanctæ Proto-Metropolitane Messanensis Ecclesiæ, scilicet utriusque Juris Doctoris Don Cajetani Buglio Decani, & Canonici utriusque Juris Doctoris, Don Bartholomæi Castello Cantoris, & Canonici, utriusque Juris, & Sacre Theologiæ Doctoris, Don Gregorii Milia Archidiaconi, & Canonici utriusque Juris Doct., Don Antonini Galletti, utriusque Juris Doctoris, D. Didaci Migliorino, D. Joannis Antonii Muno, D. Vincentii Fori, D. Dominici Rizzo, D. Antonini

Granata, D. Antonini Colita, D. Cæsaris Castellii, D. Francisci Brancato, D. Joannis Marino, D. Gasparis Calcagni, Don Ignatii Caeta, & D. Friderici Moncada majorem partem, & totum corpus Reverendissimi Capituli ejusdem Proto-Metropolitane Messanen. Ecclesiæ representantium, necnon Illustrissimo, & Reverendissimo Domino Don Silvio Valenti Gonzaga Archimandrita Messanensi, & ad hæc omnia infra scripta agentibus, & devenientibus, nempe dicto Illustrissimo, & Reverendissimo Domino de Migliaccio uti Archiepiscopo Messanensi cum consensu, ut supra dicti Reverendissimi Capituli, & pro se, ac nomine, & pro parte Illustrissimorum, & Reverendissimorum Archiepiscoporum Messanen. pro tempore, & in perpetuum existentium parte ex una, dictoque Illustrissimo, & Reverendissimo Domino de Valenti Gonzaga uti Archimandrita Messanen., ac pro se, & nomine pro qua parte Illustrissimorum, & Reverendissimorum futurorum Archimandritarum Messanen. parte ex altera mihi Notario plene cognitis fuit pro deveniendo ad infra scriptam Conventionem, Compositionem, Transactionem, & Concordiam expositum, coram Nobis, quod infra perlegitur, videlicet: Anno Incarnationis Dominicæ millesimo nonagesimo sexto Rogerius Rex Magnæ Celsitudinis, & recolendæ memoriæ in Provincia, & Diocesi Messanen. Monasterium Sanctissimi Salvatoris sub Regulari Observantia Ordinis S. Basilii erexit tanquam Caput omnium Monasteriorum Græcorum, ac eidem Monasterio Archimandritam, uti Pastorem, & Prælatum elegit, cui Superioritatem, & Jurisdictionem tribuit in omnes Abbates, Abbatias, & Monachos sibi subiectos, ita ut ipse Archimandrita uti Princeps Græcis, quemadmodum ipsum nomen Archimandritæ Græco Idiomate sonat, in omnibus dictis Monasteriis, & Græciis, & Abbatibus, Monachis, Clericis, & Laicis eorum subiectis tam in Spiritualibus, quam in temporalibus Auctoritatem haberet inquirendi secundum Divinos, & Sacros Canones Criminales, vel quascumque pecuniarias quæstiones omnium Monachorum, & Prælatorum, qui in ipsis Monasteriis, & Abbatibus sunt, & nulli alii Personæ responsum facere, nisi ipsi Regi, cum præstatione tamen Censuræ favore Archiepiscopi Messanen. in Fundatione constituti ab ipsomet Rege, quemadmodum ex eisdem verbis Fundationis dignoscitur; Et quamvis ad preces Willielmi Regis felic. rec. Alexander III. Anno millesimo centesimo septuagesimo quinto Fundationem ipsam approbaverit, & collaudaverit, dictoque Archimandrita in memoratis omnibus Monasteriis, & Obedientiis examinare, & judicare Abbatibus, & Monachos, & Laicos tam in Spiritualibus, quam in Temporalibus, eorumque Causas juste, & legitime definire indulerit, & Innocentius III., alique Romani Pontifices Monasterium præfatum, Obedientias, ceteraque Monasteria suffraganea ab omni Potestate liberaverint, eo modo, ut nulli Diocesano Archiepiscopo, vel Episcopo, nisi præfato Archimandrita respondere tenerentur, & Honorius III., & Paulus II. e converso mandaverint confirmationem Electionis Monachorum de Archimandrita Munus Benedictionis, & annuam visitationem, correctionemque ipsius Archimandritæ ad Archiepiscopum Messanen. spectare, pertinere, nihilominus Sixtus IV. felicis rec. his non obstantibus Monasterium ipsum cum omnibus, & singulis Juribus, & pertinentiis, suis membris, & Abbatibus, ac Archimandritam, Monachos, & Conventum ejusdem Monasterii ab omni Jurisdictione, Superioritate, Subjectione, & Potestate Archiepiscopi, & Capituli Messanensis Ecclesiæ, & quorumcumque Ordinariorum præsentium, & futurorum exemit, & liberavit, adeout Archiepiscopus, & Ordinarii, & alii supradicti etiam ratione

Delicti, seu Contractus, aut rei de qua agatur, ubicumque committatur, Delictum Contractus ineurat, vel res ipsa consistat, nullus possit in Archimandritam, Monachos, & Conventum, Ministros, Personas, Monasterium, Membra, Loca, Bona, utpote prorsus, & omnino exempta, & Sedi Apostolica immediate subiecta, seu Jurisdictionem, Potestatem, aut aliquod Dominium exercere, & ab eis ratione Collectarum, vel Subsidiorum quidquam petere, nisi tantum Censum dicto Archiepiscopo Messanen. debitum vi superioris enunciatae Fundationis Archimandritatus, & prout ex tenore Bullarum Apostolicarum memoratorum Pontificum clare liquet, quibus omnibus plena habeatur relatio. Quae quidem Archimandritalis Abbatia anno millesimo quadringentesimo vicesimo primo in Commendam versa fuit, & primus Archimandrita Commendatarius a Rege Alphonso praesentatus Lucas de Bufalis, & a Martino V. Pontifice Maximo institutus. Sic igitur existente fundato Archimandrita plurimorum annorum serie, ac saeculorum semper inter Archiepiscopum Messanen., & Archimandritam pro tempore existentes exorta sunt quam plures disceptationes, & dissensiones circa potestatem, quam Archimandrita ipse praetendit habere, & Archiepiscopus omnino negat: Unde diversis temporibus in Curia Romana introductae sunt variae petitiones, tam ex parte Archiepiscopi Messanen., quam ex parte dicti Archimandritae, qui modo praetendit, ut infra. Primo recognosci ab Illustrissimo, & Reverendissimo Domino Archiepiscopo Messanen. tamquam vere Ordinarium cum sua propria Diocesi distincta, & separata, ac independenti cum Jurisdictione Spirituali, ac Temporalis, ut quilibet Praelatus in sua propria Diocesi habet, & vere esse Nullius. Secundo Censum constitutum in fundatione Archimandritatus modo ad uncias sexdecim, & carolenos octo redactum non Jure recognitionis solvendum esse, sed pro omni Jure Episcopali deberi Archiepiscopo Messanen. & Successoribus suis secundum quamdam Concordiam Augusti Archiepiscopi Messanen. cum Rege; Successive posthac praetendit propria auctoritate confugientes ad Ecclesias Archimandritales extrahere, & in carceribus detineri ad nomen Ecclesiae, etiam de Mandato ejusdem; nec non posse literas dimissoriales suis Subditis concedere, item concursus ad Beneficia curata posse instituere; Demum directiones dispensationum, & Literarum Apostolicarum ei posse competere. Adversus quas quidem praetensiones supradicti Illustrissimus, & Reverendissimus Dominus de Migliaccio Archiepiscopus Messanen. dicebat Primo, minime Archimandritam esse Ordinarium cum separata Diocesi, ac distincto Territorio, & vere nullius. Secundo Censum deberi a dicto Illustrissimo Archimandrita vigore fundationis praedicti Archimandritatus, ac Diplomatum Regiorum. Tertio recognitionem, & declarationem Immunitatis Ecclesiasticae pro confugientibus ad Ecclesias Archimandritales, eorumque extractionem non posse spectare dicto Illustrissimo Archimandrita, sed privative hoc pertinere ad dictum Illustrissimum Archiepiscopum Messanen., tamquam Delegatum Apostolicum. Quarto Literas Dimissoriales, nec pariter dictum Archimandritam suis Subditis posse concedere respondebatur. Quinto instituere concursus ad Beneficia curata non posse praetendere absque expressa Sedis Apostolicae concessione. Sexto quoad directionem Dispensationum Apostolicarum, & Literarum Curiae Romanae respondebatur ad se spectare tam privative quoad omnes. Pro quibus fulcendis responsionibus ex parte dicti Illustrissimi, & Reverendissimi Archiepiscopi Messanen. nonnulla documenta, Decreta Sac. Congregationis, Canones, Scriptura, & alia favorabilia allegabantur, & plenissime

adducebantur, at tam dictus Illustrissimus, & Reverendissimus Dominus D. Joseph Migliaccio Archiepiscopus Messanen., quam dictus Illustrissimus, ac Reverendissimus Dominus D. Silvius Valenti Gonzaga Archimandrita itidem Messanen. serio inter se meditantes quam absonum sit ab Ecclesiastica Disciplina, & Praelatorum dignitate lites fovere, eas praecipue, quae simplicem Jurisdictionem respiciunt, a quibus innumera detrimenta, & scandala, ut compertum est prodire solent, quae Praelatorum charitati, & subditarum animarum regimini sunt quam maxime infensa, sedulo eorum animum applicuerunt ad dirimendas lites, & ad pacem, benevolentiamque conciliandam, accedentibus quoque ad hoc profulcienda ex utraque parte lite innumeris sumptibus, & dubio liti eventu de promptiori animo deliberaverunt remoto omni strepitu, & figura judiciali differentias jam dictas componere, & rationes, Jura, & documenta utriusque partis visioni, revisioni, & considerationi sapientium, & prudentium Virorum in utraque Juris Censura Consultorum committere, & commendare, ea propter confidentes de integritate, zelo, prudentia, doctrina, probitate, aliarumque virtutum meritis Admod. Reverendi Abbatis Sac. Theologiae, & J. U. Doctoris D. Joseph Bugliotti Assessoris Ordinarii Magnae Curiae Archiepiscopalis, nec non U. J. Doctoris D. Andrea Mendolia Fisci Patroni Magnae Curiae Archimandritalis, nec non J. U. Doctoris D. Francisci Campagna utriusque Curiae Ordinarii Assessoris eidem commiserunt, ut simul concordares quidquid benevolum, & ipsismet magis proficuum pro conservanda in perpetuum pace, & mutua benevolentia videretur super praemissis componere, & statuere, & quod resolutum, concordatum, & compositum fuerit ab eisdem Illustrissimis, & Reverendissimis Dominis Archiepiscopo, & Archimandrita observari, & adimpleri, ac perpetuum silentium in hujusmodi quaestionibus interponi, sed adveniente nuper Messanae Studiorum forum lucubrationes typis tradendi causa Illustrissimo, & Reverendissimo Domino Josepho Maria Perimezzi Ordinarii Minorum S. Francisci de Paula Sanctissimi Domini nostri Benedicti XIII. Praelato Domestico, ac Pontificio Solio Episcopo Assistenti Sanctae Oppidenensis Ecclesiae Episcopo, zelo, prudentia, doctrina, probitate, & aliarum virtutum meritis praedito, ac in Sacra Theologia, & in utroque Jure praclarissimo consulto congruum, sic eis fortuna aspirante, existimaverunt committere, & commendare eidem visionem, revisionem, & considerationem dictarum differentiarum cum juribus, rationibus, & monumentis utriusque partis, prout hilari animo commiserunt, & commendaverunt, atque compositionem, transactionem, concordiamque ab eodem quoque exposcere, & expectare; Praefatus igitur Illustrissimus, & Reverendissimus Dominus Frater D. Joseph Maria Perimezzi Episcopus Oppidenensis amicitiae officiis utrinque accommodatis, reque bene discussa, & deliberata controversias componere, & in hanc conciliationem dissidentes animos inducere sategit, proinde visis videndis, consideratis considerandis, ac mature attentaeque perpensis per dictum Dominum Episcopum Oppidensem tam in Jure, quam in facto rationibus, Juribus, capitibus, & causis ambarum Partium adductis, dictis, & pluries coram eodem discussis, nempe pro parte supradicti Illustrissimi, ac Reverendissimi Domini Archiepiscopi Messanen. ab eodem Reverendo U. J. Doctore Abbate Don Joseph Buglio, & pro parte dicti Illustrissimi, & Reverendissimi Domini Archimandritae ab J. U. Doctore D. Andrea Mendolia, nec non pro utraque parte ab U. J. Doctore D. Francisco Campagna sic ut infra compositionis, Conventionis, Transactionis, & Concordiae super enun-

ciatis

ciatis prætentionibus exemplum expressit, ad quod tam dictus Illustrissimus, & Reverendissimus Dominus Archiepiscopus Messanen., quam dictus Illustrissimus, & Reverendissimus Dominus Archimandrita itidem, & pariter Messanen. respicientes illudque complectentes decreverunt inter se convenire, & proinde ad faciliorem, firmiterque amicitiae nexum, & ut firma in perpetuum inter eorum Successores etiam remaneat præsens concordia, & ad hoc præsens documentum, reservato semper Sanctæ Sedis Apostolicæ assensu, devenire statuerunt, prout deveniunt modo, & forma quibus infra. Hinc est quod hodie præsentis præterita die Illustrissimus, & Reverendissimus Dominus D. Joseph Migliaccio Archiepiscopus Messanen., & Admodum Reverendi Dignitates, & Canonici dictæ Sanctæ Protometropolitane Messanen. Ecclesiæ, videlicet: U. J. Doctor D. Cajetanus Buglio Decanus, & Canonicus, U. J. Doctor Don Bartholomæus Castello Cantor, & Canonicus U. J. Doctor D. Antonius Galletti U. J. Doctor D. Didacus Migliorino, Don Joannes Antonius Muni, Don Vincentius Foti, Don Dominicus Rizzo, Don Antonius Graana, Don Antonius Colita, Don Cæsar Castelli, Don Franciscus Brancata, Don Joannes Marino, Don Gaspar Calcagni, Don Ignatius Gaeta, Don Fridericus Moncada representantes Reverendissimum Capitulum parte ex una, & Illustrissimus, & Reverendissimus Dominus Don Silvius Valenti Gonzaga Archimandrita Messanen. ex alia parte per se, & Successores suos in Archiepiscopatum, & Archimandritatum prædictos implorato prius assensu Sanctæ Sedis Apostolicæ vigore præsentis documenti perpetuo valituri mutua stipulatione hinc inde interveniente ad dirimendas omnes controversias, & contentiones super infra scriptis articulis inter se convenerunt, & conveniunt, nempe: Primo quod prædictus Illustrissimus, & Reverendissimus Dominus Archiepiscopus per se, & Successores suos recognoscit Illustrissimum, & Reverendissimum Dominum Archimandritam, & Successores suos habere omnimodam Jurisdictionem, ordinariam, Civilem, & contentiosam, & Criminalem in omnibus locis suæ Diocesis, nec non in Urbe Messanæ super suis Subditos juxta tenorem Bullarum Apostolicarum, ac sententiarum pronuntiarum, ad quas sententias habeatur respectus, & relatio pro eo quod respicit, & pertinet ad hunc tantummodo articulum ordinarietatis Illustrissimi Domini Archimandritæ, nulla habita consideratione articulorum reliquorum in sententiis contentorum, qui declarantur remanere in eodem statu in quo ad præsens sunt, & vigore præsentium articulorum in hac Transactione, & concordia contentorum remanent. Secundo Illustrissimus, & Reverendissimus Dominus Archimandrita ut supra per se, & Successores suos obligatus sit, prout vigore præsentis se obligavit, & obligat solvere annuatim Illustrissimo, & Reverendissimo Archiepiscopo Messanen. uncias sexdecim, & carolenos octo pecuniæ currentis hujus Regni Jure census debiti juxta tenorem fundationis, regionumque Diplomatum. Tercio convenerunt, & conveniunt quod Illustrissimus Archimandrita, & Successores sui in Archimandritatu possint concedere dimissoriales literas suis Subditis ad ordines suscipiendos, ita tamen ut toties quoties illos dimittere habeat, teneatur ex pacto vigore præsentis conventionis dimittere, dimissorialesque literas dirigere privative Illustrissimo Archiepiscopo Messanen. advenientibus autem contingentibus casibus, vel impedimentis Domini Archiepiscopi, vel longe absentia ordinandorum, sic peculiariter conveniunt: Illustrissimus Archiepiscopus assentit quoties Sancta Sedes annuat, quantum in se est, posse Dominum Archimandritam literas dimissoriales dirigere ad prædictum Archiepiscopum Messanen., & eo impedito ad quemcumque Episcopum juxta stylum, & formam consuetam; quod pariter intelligendum est de Apostolicis Brevibus super dispensatione ætatis, vel temporum Interstitiis, & ad omnem æquivocationem tollendam statuunt modo pro longa absentia Ordinandorum, intelligatur quotiescumque reperiantur, & sint extra Diocesim Domini Archiepiscopi Messanen., ita quod hujusmodi literæ dimissoriales præsentari debeant in magna Curia Archiepiscopali Messanen., & a Cancellario ipsius apponi, & subscribi debeat. Ita est sic ex pacto, & accedente Sanctæ Sedis consensu. Item conveniunt posse Dominum Archimandritam dimissoriales literas concedere ad quemcumque directas in vacatione Ecclesiæ Messanen. adjecta particula, scilicet *Sede vacante*, hoc tamen expresse declarato, quod ejusmodi literæ dimissoriales etiam præsentari debeant in magna Curia Archiepiscopali Messanen., & a Cancellario apponi, & subscribi debeant. Ita est sic ex pacto, & accedente S. Sedis consensu. Quarto in vim præsentis Concordiæ convenerunt, & conveniunt quod Illustrissimus, & Reverendissimus Dominus Archimandrita, & Successores sui possint, libereque valeant concursus quoscumque ad Beneficia curata in sua Archimandritali Diocesi vacantia indicere, & instituere, quibus concursibus, & Institutionibus Illustrissimus, & Reverendissimus Dominus Archiepiscopus Messanen. per se, & Successores suos in vim præsentis Concordiæ promittit, & promittit ex nunc pro tunc, & e converso non se opponere quoties pariter Sancta Sedes indulgeat. Quinto pariter convenerunt, & conveniunt quod literæ Apostolicæ, & dispensationes Matrimoniales pro Subditis Diocesis Archimandritalis si fuerint a Sede Apostolica directæ Illustrissimo, & Reverendissimo Domino Archimandritæ, tunc exequi debeant ab ipso Archimandrita, & nullum ab Illustrissimo, & Reverendissimo Domino Archiepiscopo Messanæ præsentem, & qui pro tempore fuerit, possit fieri impedimentum, vel obstaculum, & e contra si fuerint ex aliqua speciali causa directæ Illustrissimo, & Reverendissimo Domino Archiepiscopo Messanen. tunc ab Illustrissimo, & Reverendissimo Domino Archiepiscopo exequi debeant, & nulla possit per Illustrissimum, & Reverendissimum Archimandritam fieri oppositio. Sic ex pacto inter eos, & non aliter &c. Sexto quoad recognitionem, & declarationem Immunitatis confugientium ad Ecclesias Archimandritalis Diocesis inter se convenerunt, & conveniunt, quod ubi videndum est, utrum confugientes gaudeant, vel non gaudeant si sint restituendi, vel non sint restituendi Ecclesiæ, tunc Dominus Archimandrita, ejusque Successores debeant illos extrahere ex propriis Ecclesiis, & in suis carceribus custodire cum declaratione eos detinendi ad dispositionem Domini Archiepiscopi, ad quem privative spectat tale Jus decisionis, teneaturque Dominus Archimandrita mediante epistola ex officio certiorum reddere Dominum Archiepiscopum de extractione, & detentione Rei extracti intra terminum dierum quatuor. Septimo pro majori validitate, & firmitate ad invicem liti cesserunt, & liti cedunt omnibus, & quibuscumque supplicationibus, aliisque actis usque modo hinc inde gestis, & unicuique Cause, & pendentiæ super supradictis articulis, ut supra transactis, tantum, & dumtaxat promittentes ad invicem unus alteri, & e converso præsentis Transactioni non contradicere, nec adversus ea aliquid opponere, sed eis stare, & acquiescere, & ab ea nunquam reclamare, renunciantes ad invicem quibuscumque juribus, & legum dispositionibus, ac quibuscumque beneficiis tam de Jure Canonico, quam Civili, vel ex quacumque peculiari lege, aliisque forte in contrarium dicantibus,

quibus

quibus non uti promittunt ex pacto &c. pro reliquis vero alterationibus, questionibus, aliisque ad invicem præteritis tam decisivis, quam pendentibus, & tam in iudicio deductis, quam non deductis unusquisque ex eis remaneat in ejus primævis Juribus in quibus erat, & est ante præsentem Concordiam, & neutri ex eis per præsentem Instrumentum Concordiæ, & Transactionis intelligatur inductum, & illatum aliquod præjudicium, sed omnia, & singula in transacta, & in præsentem non expressa remaneant in eo statu, quo sunt, & quilibet ex eis si voluerit liberas Aides habeat jura sua experiendi, proat ante præsentem experiri poterat, firma tamen, & rata manente hac præsentem Concordia super articulis prædictis, ut supra transactis, & non aliter &c., & ad hoc ut præsentem Concordia, & Transactio firma in perpetuum sit, ad invicem sibi ipsis promiserunt, & promittunt implorare, & obtinere confirmationem a Sancta Sede Apostolica, & quilibet ex eis teneatur facere partes suas, & adhibere omnem diligentiam, constituentes ad invicem se ipsos Procuratores ad hanc specialem causam implorandi, & obtinendi prædictam confirmationem a Sancta Sede Apostolica cum omni amplo, & speciali mandato, & quilibet ex eis per se, & successores suos respective teneatur prout se obligavit, & obligat præsentem Transactionem in omnibus, & per omnia observare, & adimplere juxta tenorem, & formam, ac sub illis legibus, quibus fuerit per S. Sedem Apostolicam præscriptum, & non alias &c. Et casu quo non fuerit præsentem Concordia confirmata a S. Sede Apostolica tunc, & eo casu nullam habeat vim, neque efficaciam, & neuter ex eis teneatur ad illius observantiam, sed unusquisque ex eis remaneat in ejus primævis Juribus, & actionibus, prout ante præsentem erat, & nullum per præsentem intelligatur acquisitum Jus, nec illatum præjudicium, & non aliter &c. ex pacto &c. Ita est Frater Joseph Maria Episcopus Oppidenfis; & volentes partes ipsæ, ut de præserto Instrumento Concordiæ, Transactionis, & Conventionis plene constet, & toties a Sancta Sede Apostolica beneplacitum super præmissis in Transactione prædicta obtentum fuerit, prout ad invicem obtinere, & implorare promittunt, illud observari debeat, deliberaverunt etiam ad præsentem Alberani formam devenire, prout deveniunt, vi cujus teneantur quemadmodum se obligarunt, & obligant obtento beneplacito prædicto, & adhibita exinde publica, & solenni stipulatione Concordiam prædictam in omnibus, & per omnia observare, & adimplere juxta tenorem, & formam, ac sub illis legibus quibus fuerit per S. Sedem ipsam Apostolicam præscriptum, & non aliter &c. & non obtento beneplacito Apostolico uterque remaneat in Jure suo, & præsentem Alberani forma nullam vim, & robur habeat, dum ad hoc devenitur solummodo, ut in obtinendo beneplacito Apostolico dignoscatur a S. Sede utrumque consensum adesse circa Transactionem prædictam ipsorum prædictorum Illustrissimorum, & Reverendissimorum Archiepiscoporum, & Archimandritæ, qui se in præsentem subscripserunt, unde &c. Messanæ die trigesima Augusti millesimi septingentesimi vigesimi octavi. Joseph Archiepiscopus Messanen. Silvius Archimandrita Messanen. Abbas Bartholomæus Dominicus Voci adfui testis & Doctor Joseph Celi adfui testis &c. ex actis quondam Notarii Ignatii Saraci Messanen. extracta est præsentem copia per me Notarium Joseph Chiatto &c. plenius, & fusius continetur.

Utraque pars præsertam Concordiam petit confirmari.

§. 4. Cum autem sicut eadem petito subjungebat dictus Joseph Archiepiscopus antequam beneplacitum hujusmodi a Nobis impetraretur, debitum naturæ perolverit, Concordia, seu Transactio vero hujusmodi pro diu optato bono pacis inita sit, & ex illa non modicum divini cultus, &

Spiritualium animarum dicto Monasterio subjectionum hujusmodi consolationum oriturum sit incrementum. Ideoque Thomas Archiepiscopus, & Silvius Archiepiscopus, & Commendatarius præfati plurimum cupiunt illam per Nos, & Sedem Apostolicam, ut infra, approbari, & confirmari, illamque Apostolicæ firmitatis munimine roborari, quare pro parte Thomæ Archiepiscopi, & Silvii Archiepiscopi, & Commendatarii prædictorum Nobis fuit humiliter supplicatum quatenus eis in præmissis opportune providere de benignitate Apostolica dignaremur.

§. 5. Nos igitur qui dissidentium animos in concordia unitate conciliare, & confirmare sinceris exoptamus affectibus, Thomæ Archiepiscopo, & Silvio Archiepiscopo, & Commendatario prædictis specialem gratiam facere volentes, ac Thomam Archiepiscopum, & Silvium Archiepiscopum, & Commendatarium præfatos a quibuscumque suspensionis, & interdicti, aliisque Ecclesiasticis Sententiis, Censuris, & Penis, a Jure, vel ab homine quavis occasione, vel causa latis, si quibus quomodolibet innodati existunt ad effectum præsentium tantum consequendum harum serie absolventes, & absolutos fore censentes, ac instrumenti prædicti seu Scripturarum prædictarum tenores etiam veriores ac datam præsentibus pro expressis habentes, necnon causas, & controversias hujusmodi ad Nos avocantes, litesque prædictas quoad Thomam Archiepiscopum, & Silvium Archiepiscopum, & Commendatarium præfatos tantum penitus, & omnino extinguentes, ex Voto Congregationis Venerabilium Fratrum; Nostorum S. R. E. Cardinalium Decretorum Concilii Tridentini Interpretum hujusmodi supplicationibus inclinati Concordiam, seu Transactionem hujusmodi, & prout eam concernit, seu concernunt desuper confectum Instrumentum, seu desuper confectas Scripturas hujusmodi, & in eo seu eis contenta quæcumque licita tamen, & honesta, cum omnibus, & singulis inde legitime sequutis, & sequendis quibuscumque Apostolica auctoritate tenore præsentium perpetuo approbamus, & confirmamus, illisque perpetuæ inviolabilis Apostolicæ firmitatis robur adjicimus, ac omnes, & singulos tam Juris, quam Facti, & solemnitatum, aliosque quantumvis substantiales defectus, si qui desuper quomodolibet intervenerint in eisdem, supplemus.

§. 6. Necnon Concordiam, seu Transactionem prædictam, necnon Instrumentum, seu Scripturas hujusmodi validum, & efficax, seu validas, & efficaces esse, & fore, suosque plenarios, & integros effectus sortiri, & obtinere, & tam a Thomæ, & Silvii Archiepiscopis, & Commendatario præfatis, quam a quibuscumque aliis, ad quos nunc quomodolibet spectat, & pro tempore quomodolibet spectabit in futurum firmiter, & inviolabiliter observari, & adimpleri debere, & ab illis resiliari, aut recedi nullo unquam tempore posse, ac Thomam, & Silvium Archiepiscopum, & Commendatarium præfatos, eorumque in Archiepiscopatu Messanen., & Monasterio prædictis respective Successores pro tempore existentes desuper a quoque quavis auctoritate, & quovis prætextu, colore, vel ingenio directe, vel indirecte molestari, inquietari, vel perturbari nullatenus unquam posse, neque debere, necnon easdem præfatas de subreptionis, aut nullitatis vitio, seu Intentionis nostræ, vel quopiam alio defectu notari, impugnari, vel perturbari, aut aliter quomodolibet infringi, vel retractari, seu ad viam, & terminos Juris reduci, aut in controversiam revocari, aut adversus eas quodcumque Juris, vel Facti, aut gratiæ remedium impetrari, vel concedi numquam posse, easque sub quibuscumque similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus per Nos, & Successores Nostros Romanos Pontifices pro tempore existentes sub

Quod conceditur a Pontifice.

Concordiam ejusque confirmationem nullo unquam notari posse vitio statuitur.

quibusvis

quibuscumque verborum expressionibus, & formis, & cum quibuscumque clausulis, & decretis etiam Motu proprio, & ex certa scientia, deque Apostolica potestatis plenitudine pro tempore quomodolibet factis, & faciendis, ac concessis, & concedendis minime comprehendendi, vel confundi, sed semper ab illis excipi, & quoties illa emanabunt, toties in pristinum, & validissimum statum restitutas, repositas, & plenarie reintegratas, ac de novo, etiam sub quacumque posteriori data per Thomam, & Silvium Archiepiscopos, & Commendatarium prefatos quandocumque eligenda concessas esse, & fore, ac semper, & perpetuo validas, & efficaces existere, suosque plenarios, & integros effectus sortiri, & obtinere, ac ab omnibus, ad quos nunc spectat, & spectare poterit quomodolibet in futurum perpetuo firmiter, & inviolabiliter observari, & adimpleri, sique, & non aliter per quoscumque Iudices Ordinarios, vel Delegatos, quavis auctoritate fungentes, etiam Causarum Palatii Apostolici Auditores, ac prefatos S. R. E. Cardinales etiam de Latere Legatos, Vice-Legatos dictaque Sedis Nuncios iudicari, & definiri debere, & si secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Derogatio
contrario-
rum.

§. 7. Non obstantibus quibuscumque etiam in Provincialibus, & universalibus Conciliis editis, vel edendis, specialibus, vel generalibus Constitutionibus, & Ordinationibus Apostolicis, ac Ecclesie Messanen., & Monasterii, necnon ordinis predictorum, & Juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, Indultis, & literis Apostolicis illis, illiusque Capitulo, & Canonicis, & Conventui ejusdem Monasterii, quomodolibet forsan concessis, approbatis, & innovatis. Quibus omnibus, & singulis etiam de illis, eorumque totis tenoribus, & formis specialis, & specifica, individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret illorum tenores, ac si de verbo ad verbum nihil penitus omisso, & forma in illis tradita observata expressis, & inserti forent iisdem presentibus pro plene, & sufficienter expressis, & insertis habentes illis alias in suo robore permanentibus hac vice dumtaxat latissime, & plenissime, ac specialiter, & expresse harum quoque serie derogamus, ceterisque contrariis quibuscumque.

Poene infra-
ctoribus in-
tentatae.

§. 8. Nulli ergo omnino hominum liceat hanc paginam nostrae absolutionis, avocationis, extinctionis, approbationis, confirmationis, roboris, adjectionis, defectum suppletionis, decreti, & derogationis infringere, vel ei ausu temerario contraire, si quis autem hoc attentare praesumpserit indignationem Omnipotentis Dei, ac Beatorum Petri, & Pauli Apostolorum ejus se noverit incursurum.

Dat. die 8.
Martii. 1736.
An. VI.

Datum Romae apud S. Mariam Majorem, Anno Incarnationis Dominicae Millesimo septingentesimo trigesimo sexto, Octavo Idus Martii, Pontificatus nostri Anno VI.

CLXXIV.

Tertiis Ordinis S. Francisci Jurisdictioni pro tempore existentis Ministri Generalis Ordinis Fratrum Capuccinorum subiectis, Indulgentiarum Confratribus, & Confratribus B. Mariae de Monte Carmelo concessa communicantur.

CLEMENS PP. XII.

Ad perpetuam rei memoriam.

Exordium.

Sollicitudo Pastoralis Officii, quo Ecclesiae Catholicae regimini divina dispositione pra-

sidemus, nos admonet, ut paternam Religiosorum virorum sub suavi arctioris Regulae Jugo mancipatorum curam gerentes, pia illorum Studia gratiis, & favoribus foveamus, atque incitamus opportunis.

§. 1. Cum itaque sicut dilectus filius Bonaventura a Ferraria Minister Generalis Ordinis Fratrum Minorum Sancti Francisci Capuccinorum nuncupat. Nobis nuper exponi fecit, ipse omnibus utriusque sexus piis personis ubicumque existentibus tam intra, quam extra claustra degentibus etiam conjugatis, quae sub Regula tertii Ordinis ejusdem S. Francisci militant, & quae sub Jurisdictione pro tempore existentis Ministri Generalis dicti Ordinis reperiuntur, omnes, & quascumque Indulgentias, ab hac Sancta Sede Apostolica tam concessas, quam impofterum concedendas, quibus Confratres, ac Conforores Confraternitatis B. Mariae de Monte Carmelo gaudent (tenentibus etiam in id praecibus dilecti pariter filii Ludovici Benzoni Prioris Generalis Secundo dicti Ordinis) per Nos communicari summo opere desideret.

Ministri Generalis Ordinis Capuccinorum praecses.

§. 2. Nos igitur quo praedictus Tertius Ordo S. Francisci ad majorem Dei gloriam, religionis incrementum, & animarum salutem magis, magisque de die in diem augeatur, ejusdem Bonaventurae Ministri Generalis votis hac in re quantum cum Domino possumus favorabiliter annuere volentes, eumque a quibuscumque excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodatus existit ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, enarratam communicationem Indulgentiarum praedicto Tertio Ordini S. Francisci, qui militat sub Regula S. Francisci, & sub Jurisdictione pro tempore existentis Ministri Generalis eorumdem Fratrum Capuccinorum reperitur, auctoritate Apostolica tenore praesentium concedimus.

Communica-
tio de qua in
Rubrica.

§. 3. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, sique in praemissis per quoscumque Iudices Ordinarios, & Delegatos, etiam Causarum Palatii Apostolici Auditores, iudicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Praesentium
Literarum
firmatas.

§. 4. Non obstantibus Nostra, & Cancellariae Apostolicae Regula de non concedendis Indulgentiis ad instar, aliisque Constitutionibus, & Ordinationibus Apostolicis, nec non quatenus opus sit Ordinum praedictorum, aliisque quibuscumque, etiam Juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Obstantium
derogatio.

Datum Romae apud S. Mariam Majorem sub annulo Piscatoris die 13. Martii 1736. Anno VI.

Dat. die 13.
Martii. 1736.
An. VI.

F. Card. Barberinus.

Confir-